

四庫全書

史部

欽定四庫全書

史部

江南通志卷二十四

詳校官給事中臣丁雲錦

檢討臣德生覆勘

總校官編修臣王燕緒

校對官中書臣葉夔

謄錄監生臣任鑑

欽定四庫全書

江南通志卷二十四

輿地志

公署

三
上江府州縣

安慶府

巡撫都察院署在府城中舊為巡江察院署

國朝順治五年移駐池州康熙元年仍駐安慶

附程芳

朝安撫都院公署記

國家宅大燕雲而南國財賦當天下之半其地襟江帶湖東漸於海上接閩粵楚蜀下連兩浙獨恃吾皖為天下門戶全吳十三郡安危係之己丑夏朝議以巡撫歸併操江移鎮於皖

上允其議

時命大中丞李公旋進少司馬重祈父也公旌旗指皖深慰雲霓但軍府草創舊為巡江使者行臺撫治因之館垣莫備楹桷僅存牙兵露宿公首捐俸市民間隙地環署造營舍數百椽昕夕有稽不致雜處恣橫矣逾年乃度丈藩治計工授廩先同以垣後乃鳩材聚工外設以屏樹塞門卿貳制也作轅門二東西立鎧仗示嚴肅也屏內建坊崇軍門也鳴樓二司啓閉也堂高階遠辨等威也後為樓退食委蛇處也凡此皆不取民財不支公費經營浹旬遂告成功乃屬不佞記之因退而深維曰自軍興以來江南北諸郡困於徭役併於豪強哀鴻雁歎無孺者比比然也吾皖鬻太不逞之徒

又負固蠢動公漸次底定視民隱如已傷興利除害百姓安堵芳朝唯磨召虎來宣之什以紀公拜

揚休命祝

天子萬

年之頌而已龍岡院獄間戴公德終古矣奚贅焉

安徽按察司署在府治東北即明守備署遺址

國朝康熙五年改建 照磨署在司署西 司獄署在

司署東南即舊小箭廠 獄在司獄署旁

知府署在城西南隅明初建

國朝康熙十年知府姚琅重修雍正十年知府徐士林

重修

同知署在府治東雍正十一年同知李國相修

通判署在府治西 經歷署在府署西 照磨署

在府署西南

庫在府大堂西 獄在府大門西

萬億倉在康濟門內順治間巡撫李日茆重建

康熙五十三年知府張楷重修

府署倉在儀門外東明知府王廷賓建

國朝康熙五十三年知府張楷重修

育賢倉在培原書院後順治間巡撫李日茂建
儒教授署在府學大門左訓導署在明倫堂左
撫標左營叅將署在三牌樓西守備署在衛守
備署南

右營遊擊署在純陽院西守備署在撫院旁
安慶營副將署在司署後都司署在北門水
營守備署在小南門內

安慶衛守備署在府城內雙塘

懷寧縣知縣署在府治西即元淮西分司故址明

洪武間建縣丞署在縣署西北典史署在

縣署東南

庫在縣署東獄在縣署東南

長楓夾巡檢署在石牌鎮練潭驛丞署在本

驛

便民倉在擬陽門外今改建鎮海門內順治間

知縣賈壯增建雍正八年知縣詹宜倫重建中

有廠廳糧戶貯米以避風雨

歲增倉新建在萬億倉後

育嬰堂在姚街口

儒學教諭署在明倫堂左訓導署在明倫堂右

桐城縣知縣署在城中明初建縣丞署在縣治

東典史署在縣治東

庫樓在縣川堂東內獄在縣署甬道西外

獄在縣儀門外西

馬踏石巡檢署在縣東南一百二十里擬陽鎮
六百丈巡檢署在湯家溝北峽關巡檢署在
縣北四十五里呂亭驛丞署在縣北十五里
陶冲驛丞署在縣西四十里

縣倉在縣署東南明知縣洪以和建今改名預
備倉

便民倉在擬陽下鎮明正統戊午創建

國朝順治初重建

社倉五一在城東門內一在擬陽鎮一在孔城鎮一在湯家溝鎮一在練潭鎮俱康熙間知縣胡必選建

養濟院在縣南太平坊明知縣陳勉建

儒學教諭署在明倫堂後訓導署在啓聖祠西

潛山縣知縣署在城西門內明洪武初建

國朝知縣相繼修葺縣丞署在縣署東南典史署

在縣署西

磚庫樓在縣後廳旁順治間知縣常大忠建

獄在縣儀門外西

天堂寨巡檢署在水吼嶺 青口驛丞署在縣

東北五里

便民倉舊在懷寧山口鎮明知縣藍章改建懷

寧黃土潭知縣李新增修

預備倉四東在朱家衝南在薛家湖西在天堂

寨北在彰法龍山 水次倉在府治小南門內

養濟院在縣西塔後明初建推官王夢暘重修
儒學教諭署訓導署俱在明倫堂右

潛山營遊擊署中軍守備署俱在縣城

太湖縣知縣署在城來春門內洪武九年建典

史署在縣東南

庫在縣堂左獄在縣堂東南

後部巡檢署在縣北百二十里白沙巡檢署

在縣北百三十里小池驛丞署在縣治

便民倉舊在石山潭西後改建城中順治間知縣李世洽重修康熙間知縣章時化重修時稱北糧縣倉

北糧鄉倉在石山潭知縣鄒應錫建知縣章時化修

義倉八一在真乘寺一在得雲寺一在小池驛一在安定寺一在寒塲嶺一在白沙巡司一在徐家橋一在無相寺並明知縣王大謨建

國朝康熙間知縣章時化重修

水次倉在府治小南門內

養濟院在縣城東門外順治間知縣李世洽修

康熙十九年知縣章時化捐修

儒學教諭署在啓聖祠後 訓導署在魁星樓後

宿松縣知縣署在城南門內元至正間建

國朝康熙二年重修 縣丞署在縣治東 典史署在

縣治東南

常盈庫在縣堂右 儀仗庫在縣儀門西南
獄在縣儀門外東

涇江口巡檢署在涇江司橫壩頭 小孤山巡
檢署在家灣 楓香驛丞署在縣北四十里

便民倉舊在望江曹家山下後改建本縣祝家
山復遷于下倉埠康熙二年知縣王民皞建
備用倉四在譙樓東康熙二年知縣王民皞建
九年知縣朱維高修

常平倉在廳事東康熙九年知縣朱維高建

儒學教諭署 訓導署俱在學宮修業齋後

望江縣知縣署在城南宋末遷於香口元初移此

明洪武間建正德間燬於兵重建 典史署在

縣治東

庫在縣堂右 獄在縣儀門外右

華陽鎮巡檢署在縣南門外雷港驛舊址

漕糧倉 萬億倉舊俱在縣署前康熙間知縣

馬駿改建于署右

際留倉在縣署東順治間知縣王世印重建
預備倉舊在縣前今遷縣堂前

養濟院舊在邑西治民坊後徙青林寺西明知
縣王復禮建

國朝知縣王世印重建知縣陳柿祚伊巖馬駿屢修
儒教諭署在文廟後訓導署在文廟西

徽州府

知府署在城西北即宋宣和中州治歷元明迄今
皆仍舊址增建

國朝康熙三十年重修

同知署在府治東

通判署 經歷署俱在府治西

慶積庫在府儀門左 架閣庫在堂左 獄在
府南

永豐倉在府署東北隅明通判陳理建

廉惠倉在郡城北明知府張芹建知府胡孝移
建永豐倉側

儒學教授署 訓導署俱在明倫堂後

徽州營叅將署在府治東山

新安衛守備署在縣治一畝地方

歙縣知縣署在府城東門政山下宋建今仍舊歷
任知縣增修 縣丞署 典史署俱在縣治西

徵輸庫在通判署前 架閣庫在縣堂右 獄

在縣儀門外右

黃山巡檢署在縣西北一百二十里 街口巡
檢署在縣南一百里 王干寨巡檢署在縣東
一百里

四鄉倉東倉在汪村西倉在巖鎮鋪邊南倉在
湖田北倉在呈坎

預備倉舊在烏聊山今在紫陽門

弘濟倉在小溝

分濟倉在楊坑

常平倉在王府墳

社倉各畝俱有

養濟院在紫陽門外康熙戊寅年知縣祝兆驥

重建

育嬰堂在縣治潛口邑人汪應感建

儒學教諭署 訓導署俱在明倫堂右

休寧縣知縣署在城東明初建 縣丞署在縣北

典史署在縣治南

內庫 儀駕庫俱在縣儀門內東 獄在儀門

外西

坎厦巡檢署舊在白際嶺今在十六都地方

義倉宋時城四隅各一所明移縣署東

預備倉在縣署東 存留倉在古樓東

義儲倉在廟山嶺 儒學倉在明倫堂左

東屯倉在隱充 西屯倉在尚田

南屯倉在黃柏 北屯倉在小坑

東屯新倉在屯溪東 西屯新倉在江潭

常豐倉在七都橋

半流倉在半流寺

三寶倉在三寶寺

廉惠倉在鳳湖街明知府張芹建

社倉各都畝俱有

養濟院在縣東廟山

儒學教諭署 訓導署俱在明倫堂後

徽州營左軍守備署在縣治

婺源縣知縣署在弦高鎮唐末始建城內元改州

治明洪武二年知縣陳元仍舊址重建 縣丞

署在縣治東北 典史署在縣治南

大有庫在縣堂右 儀駕庫 冊庫俱在典史署西 獄在縣大門內西

項村巡檢署在縣西北 太白巡檢署在縣南

鄉 大鏞嶺巡檢署在縣東八都地界閩浙

預備倉在縣東隅城隍廟前

廉惠倉在縣署前明知府張芹建

常平倉在縣署旁

養濟院在城南隅

儒學教諭署在明倫堂東北 訓導署在教諭署南

徽州營右軍守備署在縣城

祁門縣知縣署在城內東北隅宋紹聖間建今仍舊 典史署在縣治東

縣庫在縣堂右 架閣庫在縣堂後 徵輸庫

在縣署西 獄在縣儀門外西

大洪嶺巡檢署在縣城內

常平倉在縣署西

預備倉四東在廣福鄉西在仙桂鄉南在武山鄉北在製錦鄉明知縣孫光祖併為一在徵輸庫廉惠倉在八都明知府張芹建

官田倉在西北隅順治間建

養濟院在縣東鄭坑口康熙十八年知縣聶世榮移建

儒學教諭署在明倫堂左 訓導署在明倫堂右

黥縣知縣署在城北宋建今仍舊 典史署在

縣治東

縣庫在縣署後堂旁 架閣庫在縣署大堂右

軍器庫在縣署大堂東北 徵輸庫在縣署東

獄在縣大門內西

常平倉在縣署內初名廣濟又改公田雍正九

年知縣李子吟建

預備倉五一在會昌鄉一在新政鄉一在懷遠鄉一在順仁鄉一在義民鄉

廉惠倉在縣城明知府張芹建

義民倉鄉城共八所

養濟院在縣治東北

儒學教諭署訓導署俱在明倫堂後

績溪縣知縣署在城東南宋建今仍舊典史署

在縣治東

大有庫在縣堂右 架閣庫在縣堂左 獄在
縣治西

濠寨巡檢署在楊山鄉馮村

常平倉在縣東北 義倉每都一所

預備倉二一在上鄉程里一在宣政鄉上田後
併為一移署左順治間知縣郭四維重建

廉惠倉在縣南三里明知府張芹建知縣陳嘉
策重建

仁濟倉在縣南三里明知縣李旦建

弘濟倉即舊廉惠仁濟二倉知縣胡叔才改建
常盈倉在鎮頭明知縣陳嘉策建

常豐倉在登源廟明知縣陳嘉策建

養濟院在縣南門外

儒學教諭署在明倫堂左
訓導署在明倫堂右

寧國府

知府署在陵陽山第一峯之麓晉以後悉治此元

改肅政廉訪司明初為行樞密院又為元帥府
洪武己酉改為府署

總捕同知署在府署東

管糧通判署在府署東 經歷署 照磨署俱在

府署西

永寶庫在府堂右 架閣庫在府堂左 鑾駕

庫在府署中門西 兵器庫在經歷署旁 獄

在府治西街北

軍儲倉在泰和門內府治東街北明知府陳灌
建知府袁旭區越屠應坤相繼重修

儒學教授署在明倫堂後 訓導署在學宮內

寧國營叅將署 中軍守備署俱在府城

宣州衛守備署在府城內即明織染局

宣城縣知縣署在府治西北元萬戶府故址 縣

丞署 主簿署俱在縣署西 典史署在縣署

東

縣庫在縣後堂旁 架閣庫在縣堂右 獄在
典史署西

水陽巡檢署在本鎮 黃池巡檢署在本鎮
預備倉在縣署西北明知縣姜奇方修建

水陽倉在水陽鎮河西明知府袁旭建知縣姜
奇方重建

養濟院在舊宛陵驛南明知府沈性建知縣姜
奇方修

儒學教諭署 訓導署俱在明倫堂右

寧國縣知縣署在獨山東自三國吳始治此宋紹

興間重建

國朝順治五年知縣楊名遠重修 典史署在縣治西

縣庫在縣後堂旁 架閣庫在縣堂右 儀仗

庫在縣堂左 獄在典史署前

湖樂巡檢署在縣西九十里 岳山巡檢署在

石口鎮

東倉在土神祠左

西倉在縣儀門西

均義倉即預備倉在儀門西

濟農倉在典史宅前明知府袁旭建

便民倉在縣西二里

養濟院在社壇前宋名安養院元名孤老院明
改今名知縣錢矩建主簿何倫復建知縣王廷
相重修

儒學教諭署在明倫堂左
訓導署在明倫堂右

涇縣知縣署在敬天坊西

國朝順治六年知縣孔延禧建縣丞署在縣治東

主簿署在縣治西典史署在縣治南

庫在縣後堂旁獄在縣署北偏

茹麻巡檢署在縣東南六十里

預備倉舊在縣治內後移儒學北知縣習全史

重建

聚糧倉舊在縣北二里後移儒學北

金匱縣志卷之二十四
丁糧倉在縣南二里明知府袁旭建

允軍倉在縣北九十里宣城之灣沚明知縣胡

永成建

水次倉在蕪湖明知縣鍾鼎建

全涇總會倉即坊隅義社倉在儒學東明知縣

劉世亨建

常平倉在縣城西南雍正八年知縣胡啓文領

帑建

養濟院在縣治南一里明洪武四年建知縣祝宗文重建

儒學教諭署在明倫堂東訓導署在明倫堂西
太平縣知縣署在城內明洪武初建

國朝康熙四年知縣陳恭重建典史署在縣治內

東庫在縣堂左北西庫在縣堂右北架閣

庫在縣堂右廊獄在縣堂西北

宏潭巡檢署在縣西一百二十里

預備倉在典史宅後明知縣朱守為建知縣
張廷榜修

國朝順治間知縣陳善政康熙四年知縣陳恭相繼重修
兌軍倉舊在蕪湖南明知縣張廷榜建

國朝順治間知縣鹿兆圖移建東河康熙四年知縣陳
恭重修

養濟院舊在南門內明知縣孔文昭建知縣劉
元凱移建山川壇右知縣張廷榜重修

學儒教諭署 訓導署俱在明倫堂後

旌德縣知縣署在城東唐寶應間建元季燬明洪武初重建

國朝順治間推官楊光溥重修 典史署在縣治西
庫房在縣堂左 獄在縣署更樓西

三溪巡檢署在三溪

大命倉在縣治西明知縣朱寶昌建知縣盧洪
昌修

兌軍倉在蕪湖明知縣蘇宇庶建附蘓宇庶重

建蕪湖倉記

是旌德縣官倉也其在蕪湖何也邑

有所遞受之也必有貯焉倉而後有貯也古有之
非自今昉也古有也而不可以貯何也址當河下
沅陽侯之所激射也歲久傾圯邑輸長以芻輓至
者苟指諸地覆之用茅而已矣風雨至大則漂流
小則朽腐卒於輸長取盈焉累良苦也蓋今所修
者填其土高三尺矣是可以無為陽侯之所激射
以不易領地粟有所貯以不漂流朽腐輸長可不
苦賠累也稱百世利焉皆之君子之莫興斯役何
也嗚呼此其故余難言之矣勿論世之君子秦越
其民即使蒿目憂之欲為之計度非得三百金不
可是將於公帑乎取耶縣官方搜贏索孔鯁鯁焉
銖積寸累不暇何暇作一錢事哉不佞之得興斯

役何也異時徵於里者不輸於倉輸於倉者不徵於里歲乙未而更其制合徵輸焉則或建於輸或不建於輸也建於輸者相率詣余白令不建輸者各出金修倉以均前累而興後利則諸不建輸者唯唯聽焉余乃按其賦區斂之得金二百八十就今所為倉矣是役也其建輸者不佞因議焉其不建輸者不佞因財焉諸父老之力也余何力之有倉既成余廼為之記其歲月規制焉

濟農倉明縣丞李鵬建

義倉在縣左即預備倉

均役義倉縣丞陳賢建

養濟院在招坊惠濟橋左明知縣秦文捷重建

知縣喬明旃重修

儒學教諭署在明倫堂東 訓導署在明倫堂西

南陵縣知縣署在城籍山西南明洪武間建

國朝順治十年知縣楊必達重修 縣丞署在縣治東

典史署在縣治西

庫在縣堂右 獄在縣儀門右

公館驛丞署在縣治

存留倉即舊濟民倉在縣儀門外

預備倉在崇教寺西舊在縣東明知縣邵永春
移建順治間知縣楊必達增修

社倉四一在縣東蒲橋一在縣西戴家會一在
縣南三里店一在縣北新美鄉

水次倉在蕪湖縣江口鋪前舊在縣北明知縣
林鳴盛移建魯港河北知縣沈堯中移建今地
國朝順治間知縣楊必達重修

養濟院在縣治西洪武間知縣甘潤建知縣沈

堯中修

育嬰堂在小南街康熙四十五年知縣康五瑞

募建

儒學教諭署在尊經閣東偏訓導署在土地祠後

池州府

知府署在府城通遠門內明洪武初建

江防同知署在府治東

管糧通判署在府署西經歷署在府治西

咸寧庫在府堂左 儀仗庫在府堂右 獄在
經歷署南

阜成倉在府儀門右雍正五年知府李士傑建
儒學教授署 訓導署俱在學宮內

池州營遊擊署在府城塔上街 守備署在府城
北街

貴池縣知縣署在府治北柯山之前洪武三年建
國朝康熙七年知縣張應薇修 縣丞署在縣治東

典史署在縣治西北

永寧庫在縣堂左 獄在縣署西南

李陽河巡檢署在城西六十里

預備倉康熙間通判田庶改建為池營兵米倉

常平倉在縣儀門內

清溪漕糧倉舊在池口康熙間知縣劉光美移

建于下清溪鎮

馬田倉在縣署左知縣李愈昌建

養濟院舊在柳林巷明知府王崇移建迎恩門

內

國朝康熙十年知府喻成龍重建

儒學教諭署在明倫堂後西訓導署在明倫堂左

青陽縣知縣署在縣城北明初建典史署在縣

治西北

耳房庫在縣堂左儀仗庫在縣幕廳後獄

在縣署門外旌善亭後

預備倉在中明亭後明知縣張牧建

漕糧倉舊在童瑯鎮明知縣蘇萬民移建銅陵
大通鎮

水次倉明知縣王化澄遷於縣治右預備倉前
常平倉在縣署西雍正九年知縣陳慰祖建
養濟院舊在縣西明推官李雲移建永安橋知
縣蘇萬民重建于望池門外

儒學教諭署在明倫堂左 訓導署在明倫堂右

銅陵縣知縣署在縣城中洪武三年從順安鎮遷
建於此 典史署在縣治儀門東

錢糧庫在縣堂左 儀仗庫在縣堂右

黃冊庫在縣後堂側 獄在縣儀門右

大通巡檢署在城外四十里大通鎮

預備倉在縣治西明知縣熊蓋臣建

國朝順治間知縣蔣應仔重修 社倉在縣署西

漕糧倉在縣西門外瀕江順治間知縣劉曰義

重修

鹽義倉即預備倉基雍正六年知縣杜之正建
養濟院在西門外便民倉前舊在縣治西明知
縣張琛建後遷舊學基址

國朝順治間知縣劉曰義移建今地邑人卽應徵捐助
儒教諭署在明倫堂後訓導署在明倫堂右

石埭縣知縣署在城中陵陽山南宋寶慶間自七
里舊縣遷治於此

國朝康熙六年知縣姚子莊增修 典史署在縣治後

東北

耳房庫在縣堂右 獄在縣儀門外右

預備倉在縣儀門右 社倉在縣治 馬田倉

在縣治

養濟院舊在西門外迎春橋北後遷社稷壇東

康熙十年知縣姚子莊重建

儒學教諭署在明倫堂後 訓導署在明倫堂東南

興賢坊左

建德縣知縣署在縣城內白象山之陽明洪武初

建典史署在縣治東

耳房庫在縣堂右 獄在縣大門右

永豐巡檢署在本鎮

預備倉舊在譙樓左雍正七年移建於右

新倉在縣署大堂旁雍正七年建

漕運倉舊在縣北十五里小石潭順治間知縣

孫蘭移建縣城北門外雍正七年知縣高玉芬重修

養濟院在縣南門外一里

儒教諭署在明倫堂西北訓導署在西齋

東流縣知縣署在縣治後山之前明洪武初建

國朝順治三年知縣鄧繼球重建典史署在縣治西

耳房庫在縣堂右獄在縣大門右

吉陽巡檢署舊在縣北三十里今駐縣城內

預備倉在縣署西

馬田倉在縣大門右順治間知縣蘇弘謨建

漕運倉舊在縣治西北後移北門內順治間知縣鄧繼球即縣北府館遺址建

常平倉在縣署儀門內雍正九年知縣陸培建
養濟院舊在縣治北後移在舊教場東

育嬰堂康熙間知縣李天柱擇瞻極門內迎曦
門外兩地勅建

儒學教諭署 訓導署俱在學宮旁

太平府

提督安徽學院署在府城內

知府署在城東北宋太平興國間建

國朝順治十四年知府張文學重建

江防同知署舊在府治東移治蕪湖縣城外大江口

督糧通判署在府治西南 經歷署在府治南

富積庫在府後堂東 獄在府儀門右

豐濟倉在都察院之西有甲字等廩一十四座

儒學教授署 訓導署俱在學宮內

蕪禾營中軍守備署在府城東南即舊北察院

建陽衛守備署在府城

當塗縣知縣署在府治西南明洪武元年以舊肅

政廉訪司改建 縣丞署 典史署俱在縣治

東

庫房在縣川堂左

獄在縣儀門西

采石巡檢署在采石鎮江口 大信巡檢署在

大信鎮

預備倉舊在湖熟門外今圯暫貯米穀于豐濟
倉甲字等號

水濟倉原在南津門內大街之東明知縣何舜
岳修知縣林枝橋重修康熙間知縣祝元敏增建
常平倉二一在柴街一在網巷康熙間知縣祝
元敏建

養濟院在孝感坊東洪武間知府潘有慶建

育嬰堂在城西南承流坊一條巷內康熙十五年
建雍正八年知府李暉知縣顧麒捐修

儒學教諭署在學宮內訓導署二所在教諭署左右

蕪湖鈔關署在蕪湖縣西河南將軍港

督理安徽寧池太道署在蕪湖縣城外雍正十一
年復設即池太道舊署

蕪湖縣知縣署在城中元至正間建明洪武二十

七年重修 縣丞署在縣治西南 典史署在

縣治東南

庫樓在縣後堂左 鑾駕庫在縣堂右 獄在

縣治

河口鎮巡檢署在漕港鎮 漕港驛丞署在縣

西南十五里濱大江

水際倉在縣東南迎秀門外

預備倉在縣西 備用倉在縣東

馬田貯稻倉在縣後同風里內

養濟院在縣西北門鋪

育嬰堂在城外河南蔡廟巷雍正五年知府刁承祖建七年知府李暉遊擊黃輅知縣朱文昭捐置田房

儒學教諭署 訓導署俱在學宮內

蕪采營遊擊署在縣城道署東

繁昌縣知縣署在金峨上鄉明天順元年建典

史署在縣治西南

庫房在縣堂右 獄在典史署西

荻港巡檢署在春穀鄉 三山巡檢署在金峩
下鄉

預備倉舊在上峩橋南明知縣徐有為改舊分
巡察院為今倉

水次倉舊在下峩橋鎮康熙間知縣吳升東改
建于魯港鎮

養濟院舊在縣南後遷置東門外春野亭前今
建普濟堂于縣治東

育嬰堂在縣治西

儒學教諭署在禮門雲路街之右 訓導署在義路

門外

廬州府

知府署在府城西北隅即宋元舊址明洪武初建
國朝順治十三年知府王業興重修

清軍同知署舊在府治東後移駐無為州城內

督糧通判署 經歷署 照磨署俱在府治西

常積庫在府大堂右 獄在府大門東

永豐倉在城隍廟西北知府宋鑑創設

惠民倉在府治東南知府龍誥建今圯額移永

豐倉

儒學教授署在明倫堂西 訓導署在明倫堂東

廬州營守備署在府城

廬州衛守備署在府城內康熙二十一年建

合肥縣知縣署在府治西洪武初建燬于火後復

建縣丞署典史署俱在縣治西

庫在縣後堂旁獄在縣署西隅

石梁鎮巡檢署在城東一百二十里護城驛

丞署在城東北八十里派河驛丞署在城南

四十里店埠驛丞署在縣治

奉仁倉在東鄉弘濟倉在南鄉廣義倉在

西鄉 博愛倉在梁鄉 濟惠倉在店埠鎮
養濟院在四牌樓東南巷內

育嬰堂在南門準提菴左康熙三十六年知府
張純修知縣賈暉倡募士民同建

儒學教諭署 訓導署俱在明倫堂後

廬江縣知縣署在城內愷弟坊明洪武初建

國朝順治八年知縣孫弘詰重建 典史署在縣署東
庫在縣川堂旁 獄在鼓樓東角

冷水關巡檢署在縣西十五里

際留倉在縣治西丁字街知縣李顯遷于縣署

門左

預備倉在城內馬神祠前知縣耿廷錄建順治間知縣孫弘詰重修

育嬰堂在南門

儒學教諭署訓導署俱在學宮內

舒城縣知縣署在城中明洪武初建典史署在

縣署旁

庫房在縣署退省堂右 獄在縣署旁

三溝驛丞署在縣東十五里 梅心驛丞署在

縣南二十里

預備倉在六安門內上方菴西

儒教諭署 訓導署俱在學宮內

無為州知州署在城西北隅明洪武元年建

國朝順治三年知州孟孔傳重建 州同署在州治東

吏目署在州治西

財帛庫在州署正廳西 儀仗庫在州署正廳

東 軍器庫即附儀仗庫 獄在州署旁

土橋河巡檢署在州西南一百二十里 興龍

河巡檢署在州東四十里 泥汊河巡檢署在

州西南五十里 黃雒河巡檢署在州北三十

五里

豐裕倉在州治東 州前倉在州大門西

預備倉在州治西景福寺後知州劉紹元重建
知州王重錦修

黃雒河倉在城北三十五里交兌軍糧在此

利民倉在小東門內街北知州李坡建知州查
志文重建

常平倉在小東門內 駿惠倉在城隍廟前

養濟院在州治西元妙坊紫芝山側雍正八年

知府李璋重建

儒學正署在明倫堂東 訓導署在學宮內

巢縣知縣署在城南即范增故宅遺址明洪武初

建

國朝康熙三年知縣聶芳重建 典史署在縣治東

庫在縣大堂西明知縣陳經言置石穴蓋以石

板名石庫後寇燬知縣聶芳移建大堂左 獄

在縣署照牆左

焦湖巡檢署在縣城內

際留倉在縣北城隍廟門內明主簿高恒建知縣柳應侯復置會計堂五間

社倉在際留倉內明知縣馬如麟倡建

新建社倉六一在城西寺一在羅漢寺一在廣嚴寺一在松陽觀音寺一在法雲寺一在岫山直指菴

積貯倉在小西門內雍正五年知縣李襲祖建養濟院在縣東北明洪武間知縣陳葉建萬厯

十九年知縣馬如麟重修邑生唐堯捐屋一所
輸稻八十石助之

儒學教諭署在明倫堂左
訓導署在明倫堂西

鳳陽府

分巡廣鳳道署在府治東

鳳陽鈔關署舊在府治城隍廟東康熙三十四年
移建壽州西南六十里正陽鎮

知府署在城中仁愛坊明洪武十七年由臨淮移

治此崇禎八年知府張謙重建

國朝康熙間知府史記功增修十九年知府耿繼志重修
清軍同知署在府署大堂東

督糧通判署在正陽鎮 經歷署在府治東 稅
課司署在臨淮縣

庫在府署庫官宅 獄在府治東南

戶部倉二一建於鳳邑一建於臨邑後鳳邑倉

燬康熙元年

題請分建於舊皇城內名為永泰倉

預備倉舊在府城東南倉巷內今移建于鳳陽

縣內

學儒教授署 訓導署俱在學宮內

壽春營右軍守備署在府治文昌街

鳳陽中衛守備署在府治西峽城

長淮衛守備署在府治

鳳陽縣知縣署在城北明洪武間建

國朝康熙初改建舊城東隅 縣丞署在縣治東 典

史署在縣治西

庫 獄俱在縣治內

王莊驛丞署在縣城北六十里

監倉在縣儀門西

養育堂在城隍廟旁

儒學教諭署 訓導署俱在學宮內

臨淮縣知縣署在金鎗坊明洪武三年建

國朝順治六年知縣徐必進重修 縣丞署在縣治東

典史署在縣治西

庫在縣二堂旁 獄在縣署西

紅心驛丞署在縣治東南六十里

倉廩在儀門東明初知縣楊達建知縣夏廷舉

重建

國朝知縣徐必進修

營田倉四一在縣署一在南青山一在東秦村

一在銀杏村明營田使史邦直建

廣儲倉四在塗山門內即戶部分司倉

養濟院舊在縣治西宣化坊明初知縣樂琳建
知縣陳中烈改建於南岡豐樂坊知縣賈應龍
重修

儒學教諭署 訓導署俱在學宮內

鳳陽衛守備署在縣城內

懷遠縣知縣署在荊山東

國朝順治九年知縣傅鎮國重建主簿署在縣治東

典史署在縣治西

庫樓永寧庫俱在縣署堂東獄在縣儀門

外西

倉廩在縣署南荆山倉在縣內大堂東

起運倉在縣南一里預備倉在縣南一里

常平倉舊在縣署西雍正二年知縣唐暄改建

於縣署儀門外

養濟院在縣南大聖寺

育嬰堂在城隍廟西知縣唐暄修

儒學教諭署 訓導署俱在學宮內

定遠縣知縣署在曲陽橋東北明洪武三年設二
十六年重修

國朝康熙二十四年知縣曲震重建 主簿署舊在縣

治西今移北爐橋 典史署在縣治東

庫房在縣堂西 儀仗庫在縣署後 獄在縣

儀門外西南

池河驛丞署在縣東六十里 張橋驛丞署在
縣南四十里 定遠驛丞署在縣治東門外
倉廩在縣署後 豐儲倉在池河驛東

預備倉明知縣唐錡修知縣陳銳重修

社倉四一在池河鎮一在石張橋鎮一在永康
鎮一在齊郎鋪

養濟院在縣東門外明初知縣劉景原建知縣

唐錡修知縣陳銳重修

儒學教諭署 訓導署俱在學宮內

虹縣知縣署在城西北汴河之北明洪武間建正德七年重修 典史署在縣治西

庫房在縣堂左 鑾駕庫在縣堂東北 獄在

縣儀門外右

義倉在鼓樓前 縣倉在南門外

水次倉在五河縣澮河北明知縣王華建

國朝康熙間知縣龔起鵬重修

養濟院在西門外貼城河南左邊

儒學教諭署 訓導署俱在學內尊經閣東

壽州知州署在城東宣化坊明洪武初建 州同

署在州治東 吏目署在州治西南

庫在州署堂西 武庫在州署堂東 獄在儀

門外右

北爐橋巡檢署在正陽鎮

預備倉在州治東北明知州栗永祿修

便民倉三一在瓦埠一在姚果店一在下蔡知州栗永祿修

軍儲倉在州署東北

常平倉在州署旁康熙間建

養濟院在州東北

儒學正署在學宮內

壽春營副將署中軍守備署俱在州治

鳳臺縣知縣署在壽州城北 典史署在縣治

庫在縣堂旁 獄在縣署西

預備倉

便民倉

軍儲倉

常平倉以上四倉今仍與

壽州共

儒學訓導署在學宮內

宿州知州署在城西北隅明洪武初建 州同署

在州治北 吏目署在州治西

庫在州署二堂旁 獄在州署西

睢陽驛丞署在東門外 大店驛丞署在州東

六十里 夾溝驛丞署在州東北六十里

際留倉在州署東 常平倉在州署前

社倉三一在城一在徐溪口一在閔子集

養濟院在州治東

儒學正署在明倫堂西 訓導署在學儀門南

壽春營左軍守備署在州治即舊公館

宿州衛守備署在州治東南

靈璧縣知縣署舊在城東南隅元至元間移建於舊治之北

國朝重建 管河主簿署在雙溝集 典史署在縣治左

縣庫在縣署二堂旁 獄在縣署西

固鎮巡檢署在固鎮驛北 固鎮驛丞署在縣治南七十里

預備倉在縣署東南 常平倉在縣署儀門內

儒學教諭署 訓導署俱在學宮內

潁州府

知府署在府城北大街即舊州署明洪武初建

糧捕通判署在府城 經歷署在府城

庫在府二堂旁 獄在府署西

儒學教授署在學宮內

阜陽縣知縣署在府治 縣丞署在方家集即舊

州同署 典史署在縣署內

庫在縣堂旁 獄在縣署西

沈邱鎮巡檢署在本鎮

廣積倉在鐘鼓樓前大街迤西巷內

養濟院在兵備道署後

儒學訓導署在學宮內

潁上縣知縣署在城內十字街東明洪武間建

典史署在縣署東

庫在縣堂左 儀仗庫在縣堂右 獄在縣儀

門西

縣倉在儒學左明初縣丞孔克耕建

預備倉在禾稔門西明知縣歐允莊移在縣倉後

常平倉在縣署東 紅糧倉在儒學東

養濟院在守禦所西

儒學教諭署 訓導署俱在學宮內

霍邱縣知縣署在城市西明洪武三年建

國朝康熙六年知縣姬之簋重修典史署在縣署西

庫在縣堂旁 獄在縣署西

開順鎮巡檢署在縣南一百五十里

兌軍倉在縣署前康熙間移建署後

常平倉在縣署西南

養濟院在城外東南

儒學教諭署 訓導署俱在學宮內

亳州知州署在城內東北明洪武五年建 州同

署在州治東 吏目署在州治西

州庫在二堂旁 獄在署西

軍儲倉在州治東即舊儒學

養濟院在城內東北隅明知州王沂建

儒學正署 訓導署俱在學宮內

亳州營守備署在州治西

太和縣知縣署在城中宣化坊明洪武三年即元

舊基建 典史署在縣治東

永寧庫在縣署堂東

儀仗庫在縣署堂西

獄在縣儀門內西

洪山鎮巡檢署在城北洪山鎮大街

存留義倉在縣署儀門外

預備倉在居仁街北

常平倉在縣堂東

養濟院在崇禮街西順治間知縣劉源濬建

儒學教諭署 訓導署俱在學宮內

蒙城縣知縣署在城西北隅明洪武初因元舊基

建 典史署在縣治西

庫樓在縣堂左 獄在縣署西

預備倉在縣西南隅

常平倉即舊察院址雍正六年建

養濟院舊在縣西關外今移城內預備倉東

儒學教諭署 訓導署俱在學宮內

滁州

知州署在城南 吏目署在州治東

庫在州署旁 獄在州署儀門外東

大鎗嶺巡檢署在州西六十里 大柳樹驛丞

署在州西六十里

常平倉二雍正八年建

普濟院在南門外馬神廟旁

儒學正署 訓導署俱在學宮內

滁州衛守備署在州城興賢坊

全椒縣知縣署在城內宋紹興初建

國朝康熙九年知縣藍學鑑重修典史署在縣治東

庫在縣大堂西 獄在縣儀門西

縣倉在縣署旁雍正八年建

儒學教諭署 訓導署俱在學宮內

來安縣知縣署在城北宋南渡後移建於此 典

史署在縣治內

庫在縣署廳事左 龍亭庫舊在典史署後今

移於庫左 獄在縣儀門內西

卷二十四
預備倉在縣署東新街西

義倉在縣大門內東

學倉在明倫堂西南知縣魏鏞建

養濟院在縣西門外明知縣孫鎰建於縣東門內知縣鄭元輔移建今處

儒教諭署在尊經閣後訓導署在敬一亭後

和州

知州署在城北明洪武初建州同署在州治東

吏目署在州治西南

和豐庫在州署左 鑾輿庫在州署堂後 獄

在州儀門外西

牛屯巡檢署在州南六十五里烏江鎮 裕溪

巡檢署在州南九十里裕溪河

和豐倉在鎮西樓前街東西向明初知州李相建

常平倉在城內

儒學正署在啓聖祠東南 訓導署在大殿西

遊兵營遊擊署在州西梁山鎮 中軍守備署在

州城

含山縣知縣署在城內明道街唐武德初建

國朝順治六年知縣朱長泰重建 典史署在縣署東

官庫在縣大堂西 兵器庫在縣川堂東 獄

在署東

縣倉在幕廳東明知縣趙恕張文淵年臻相繼

修建

國朝順治六年知縣朱長泰重建

養濟院在北門外明知縣趙恕周義年臻相繼
修建

儒教諭署 訓導署俱在學宮內

廣德州

知州署在城中明洪武初建

國朝康熙五年知州梅苞重修 州判署在州治西

吏目署在州治西南

永寧庫在州署正廳右 儀仗庫在州署儀門

東 獄在州署儀門西

杭村巡檢署在州北七十里杭村保 陳陽司

巡檢署在州西南六十五里揚灘保 廣安司

巡檢署在州南八十里焦村保

州倉在宣城縣水陽鎮距州二百十里

常平倉在州署東偏即舊同知署

兵餉倉在常平倉左

預備倉在州署南明初建

國朝康熙間知縣楊苞移於州署東

馬田稻倉在州廳東常平倉後

水次倉舊在寧國府水陽鎮後州同知李進改建于建平縣南知州陸長庚復建于今地以便

起兌

儒學正署 訓導署俱在學宮內

廣德營遊擊署 中軍守備署俱在州城

建平縣知縣署在郎川之澣明洪武初建

國朝康熙十五年知縣張顧行重修典史署在縣治西
收支庫在縣署正廳右儀仗庫在縣署正廳
左獄在縣儀門外

梅渚巡檢署在縣北三十里

常平倉在縣署東懷仁祠右雍正七年知縣衛
廷璞建

社倉在縣南盛村保雍正九年知縣衛廷璞建

養濟院在縣治北叢桂坊

儒學教諭署 訓導署俱在學宮內

六安州

知州署在城西北隅元至正間即舊縣治初建明

洪武初重建 州同署在州署東 吏目署在

州署東北

錢糧庫在州治二堂左 軍器庫在州治二堂

右 獄在州治二角門外旁

和尚灘巡檢署在州西南新店

義倉在儒學文昌閣前明同知劉垓建

常豐倉即察院舊基雍正五年知州李懋仁建
社倉在州治東明知州李懋檜建

國朝康熙間知州王所善重建

養濟院在東門外

儒學正署在明倫堂西 訓導署在明倫堂東

六安營叅將署在州治東即舊安廬道署 中軍

守備署在州治

英山縣知縣署舊在德化坊元初建明季寇燬即
舊察院為縣署

國朝雍正五年知縣趙宗昊改建 典史署在德化坊
即舊縣治

庫在縣治大堂東 獄在縣儀門右

七引店巡檢署在縣北七十里

預備倉在縣西

常平倉在縣署右雍正五年知縣趙宗炅建

養濟院在縣北門外

儒學教諭署 訓導署俱在學宮內

霍山縣知縣署在城中明弘治間建

國朝順治十年知縣欒元魁重建 典史署在縣城內

庫在縣大堂左 獄在典史署南

千羅坂巡檢署在縣西北八十里 上土市巡

檢署在縣西南一百五十里

漕鳳倉在縣大堂右

預備倉舊在西門內今改建縣治側

養濟院在開運寺西

儒學教諭署 訓導署俱在學宮鄉賢祠後

泗州

知州署舊在城內迎恩坊洪武間移西南百步即

宋時天慶觀元時元妙觀故址今寄治盱眙山

上州同署在州外關 吏目署在清陽鎮

庫舊在州大堂右今隨州治 獄在吏目署西南
倉廩被水未建寄貯

儒學正署 訓導署俱暫寄盱眙之上龜山

泗州營都司僉書署

泗州衛守備署 俱隨州治遷盱眙山

盱眙縣知縣署在臨淮府舊基元泰定間遷於此
明洪武初建 縣丞署在縣治東 典史署在
縣治西南

庫房在縣堂東 獄在縣署西偏

倉在東嶽廟東北

養濟院在東嶽廟迤東

儒學教諭署 訓導署俱在學宮內

天長縣知縣署在城西北隅明洪武初建萬厯間
重修 典史署在縣堂西

積貯庫在縣堂左 獄在縣署西

城門鄉巡檢署舊在縣東北四十五里今駐縣

城內

預備倉在縣署南

常平倉在預備倉左雍正六年知縣孫蔭孫建
養濟院在縣治東北明知縣張鑑建知縣李自
蕃重修

儒學教諭署 訓導署俱在學宮內

五河縣知縣署舊在城東南隅宋咸淳年建明永
樂年因水患遷西南隅後又遷河北岸

國朝順治十年知縣丁浴初修典史署在縣治西北

庫房在縣堂左獄在縣署西偏

預備倉在縣儀門東義倉在預備倉左

養濟院舊在縣治西北明知縣丁鉞徙建大興

集東

儒學教諭署訓導署俱在學宮內

江南通志卷二十四

欽定四庫全書

江南通志卷二十五

輿地志

關津 一 橋梁鎮市附

江蘇松
常四府

星經云牽牛神一名天關太公金匱云春三月斗
為天關又晉書天文志云天津九星主四瀆津梁
江南次牛斗之分星襟江淮之靈瀆關則山有清
流水有海門津則方山為東石頭為西實上應天

文雄跨南服矣至於虹形鴈齒以濟車徒旗亭鼓
戍以聚商旅又與關津相為表裏者也

江寧府

龍江關在江寧縣西儀鳳門外今移上新河舊管
收工部稅務另設戶部鈔關康熙二十八年併兩
稅為一民商稱便

大勝關江寧縣南二十里明初陳友諒來侵太祖
命楊璟駐兵大城港禦之友諒大敗去因名大勝

港置大勝關

石灰山關上元縣幕府山北明初置

江淮關江浦縣東南三里明洪武二十四年建關
置巡司於此今如故

浦子口江浦縣東二十里為南北津渡之要明置
守禦所

國朝初設叅將駐防康熙中改用守備

江東渡上元縣

龍江渡

五馬渡幕府山前晉元帝與諸王渡江處 右上元
南津江寧縣南南朝置校尉守之侯景入寇南津
校尉江子一與弟子四子五同殉難於此

毛公渡馴象門外即古麾扇渡

唐家渡縣北三十里與六合梅家步相對即古張
公凹渡

馬家渡西南九十五里亦曰馬家洲又為馬家步
宋建炎間金人由馬家渡渡江陷太平州即此

右江寧

下蜀渡句容縣北七十里 東陽渡西北八十里
茅場渡北八十里東陽鎮側 右句容

何莊渡溧水縣西北四十五里

梅梁渡西南二十五里石臼湖津濟處也 右溧水
高淳渡高淳縣治西南

西陡門渡縣西三十里界丹陽湖三汊河為寧國
太平衝要 水陽渡西三十里

固城渡東南三十里

分界渡西北十五里

祠城渡東北三十里

陳家渡東四十里

撐龍港渡西二十里 右高淳

八字溝渡江浦縣東八里濱江

新江口渡東南十三里濱江與省城中河相對

韋游溝渡西南五十里接和州界

三汊河渡東北四十里邑令置船二為官渡 右

江浦

回軍渡六合縣

宣化渡

右六合

大中橋上元縣通濟門內舊名白下

復成橋大中橋北

通濟橋通濟門外

中和橋通濟橋東南

上方橋中和橋東南上三橋皆跨濠水

鼎新橋舊名小新橋

崇道橋在鼎新橋西倉巷北近全節坊

太平橋俗呼為筴橋在鼎新橋東上三橋皆跨運
瀆

內橋太平橋東運瀆合青溪處舊名虹橋宋政和
中蔡巖修南渡後建行宮於此改名天津橋後改
今名

昇平橋內橋東北即宋東虹橋

大市橋內橋西北即宋西虹橋

北門橋洪武街南跨古城濠 回龍橋漢西門內

石步橋縣東北四十五里即古羅落橋晉元興末
劉裕討桓玄自江乘進至羅落橋

土橋縣東七十五里與句容接界

右上元縣

鎮淮橋江寧縣聚寶門內即古朱雀航吳名元津

武定橋鎮淮橋東

文德橋縣學宮右

利涉橋文德橋東即桃葉渡東晉以來未有橋以
通濟水關來水天門宜敞也順治初太守李正茂

設木橋名利涉康熙癸卯易木以石議者謂天門
閉塞不利人文非古設渡之意復廢石而易以木
焉

淮青橋秦淮與青溪合流處

斗門橋即古禪靈寺橋其北又有乾道南北二橋
明一統志在三山門內秦淮合運瀆處

張侯橋淮水南對瓦官寺吳張昭所造故名晉義
熙六年盧循焚查浦進至張侯橋即此

南渡橋舊跨秦淮李白與酒客數人棹歌秦淮往
石頭訪崔侍御詩云捨舟共連袂行上南渡橋

飲虹橋縣西南百餘步跨秦淮本名萬歲橋楊吳
時名新橋至今俗仍呼新橋 上浮橋新橋西
下浮橋上浮橋西皆跨秦淮

聚寶橋聚寶門外即古長干橋楊吳城金陵鑿濠
引秦淮水繞城置此橋跨之

石城橋石城門外跨城濠

三山橋三山門外跨城濠江東橋江東門外

賽工橋馴象門外明遜國時侍中黃觀妻女死節處

來賓橋馴象街近橋有來賓樓故名

善世橋來賓橋西皆跨躍馬澗水流通城濠

板橋縣西南四十里晉簡文帝為王時常與桓溫及武陵王晞同載游於板橋溫遽令鳴鼓吹角車馳卒奔晞大恐帝安然無懼色溫由是憚服又晉

伐吳丞相張悌死於板橋悌家在板橋西

河亭橋縣東南二十五里一名河定橋

新林橋縣西南十八里梁武帝敗齊師處即今西
善橋

秣陵橋縣東南五十里

到駕橋夾岡門明太祖曾駐此

東善橋縣東南四十里吉山下

右江寧縣

集仙橋句容縣東南一里許

永安橋縣南七里下有小港入於秦淮

降真橋茅山玉晨觀西 白鶴橋縣東南三里

懸纛橋縣西十五里周瑜嘗駐軍於此

周郎橋縣西二十里亦以瑜名

沈公橋縣南二十五里相傳以沈慶之名

高平橋縣西南三十五里 竹里橋縣北六十里

右句容縣

惠政橋溧水縣東門外跨秦淮水舊名臨淮橋

尚書橋縣東十里

九澗橋東三十五里以有九澗之水匯故名橋

神龍橋東四十五里舊名神靖橋

尚義橋縣南二十五里積慶橋南三角鋪前

秦淮橋小西門外

楊林橋縣北五里通省官路

天生橋縣西十里高十二丈闊七丈五尺明洪武

十年太祖命崇山侯李新鑿胭脂岡二十里成河
通蘇浙運道橋因石勢而成若天生然故名

花溪橋縣西四十五里跨花溪港

永昌橋縣西北永壽寺側 洪驛橋縣南洪藍埠
烏剎橋縣西北四十五里秦淮水經其下接江寧
縣界

募軍橋縣北三里明嘉靖間李佛保與倭戰死處
長樂橋縣東北二十五里

右溧水縣

東新橋高淳縣東南望洋門外

西新橋縣西南襟湖門外高闊二丈五尺長十五丈

永濟橋在西新橋左初為甘棠渡後建石橋上三橋俱跨官溪河上

曹塘橋縣東四十里跨曹塘河

永清橋東六十里為吳越要津舊係木梁順治八

年建石橋

永康橋一名下橋縣東南七十里上二橋俱跨胥

河

上橋亦跨胥河接建平縣界

里仁橋一名灣橋縣東北十五里跨桃花澗

王發橋東六十里當江寧廣德浙江孔道邑人劉

啓東妻王氏年二十夫死無子守節捐貲建鄉閭

義之因名

雙橋南十里本雙河渡明萬厯中建石橋

水碧橋西南三十里跨水陽河接宣城界宣徽之水至此皆澄碧因名

永興橋東北三十里跨藕絲塘

右高淳縣

宣化橋一在江浦縣治西數百步一在浦子口滄波門外與六合接界以宣化鎮名

珍珠橋縣東二十里

白馬橋縣南五十里

獬鳳橋縣西南二十里 石磧橋縣南石磧鎮

惠政橋西六十里接和州界

茅塘橋縣北三十里跨通江大河又北五里為橫
橋皆通浦子口驛路

右江浦縣

龍津橋六合縣治南數十步為水陸要會成化志
云橋一十八洞累石為之黃巢兵燹之後石橋廢
自宋迄今皆作浮橋

追人橋來春門外宋太祖兵禦南唐至此故名

冶浦橋縣東五里跨冶浦河唐祖詠有詩

善家橋東南二十五里瓜步六合儀徵分路處

茅家橋南二十五里滁口山北沿河通長蘆陳里

港

馬昌河橋西南二十里

黃湖橋西北十五里

程家橋西二十里水通滁河縣西諸山集鎮悉由

此出亦會聚之區也

竹鎮橋西北三十三里河道紆曲一邑關鍵故竹鎮殷阜勝他處

八百橋東北三十里舊傳唐有八百梵僧往冶山講經過此故名

蘆塘橋東北二十里橋東北五里有蘆塘寨因以名橋焉

右六合縣

靖安鎮上元縣西北十五里本名龍安鎮以鎮有龍灣也宋曰靖安建炎四年岳忠武邀敗金人於此

淳化鎮縣東四十五里亦曰淳化闕其地遮蔽句容應接京口形勢衝要有巡司

石步鎮縣東北四十里即羅落橋鎮

土橋鎮縣東七十五里接句容界

湖熟鎮縣東七十里

笕橋市縣治西數百步百物所聚一名夜市閭巷
細民每持衣物立門首荒販收之次日五更即至
市轉售古詩有云金陵市合月光裏則夜市由來
舊矣

花林市縣東三十五里齊梁諸墳多在其地
東流市縣東北四十里有橋曰東流以水流自東
因名

棲霞市棲霞寺前去城四十五里

索墅市縣東二十里清化鄉有索墅坊

湯泉市縣東六十里湯山 龍都市縣東南五十里

右上元縣

江寧鎮江寧縣西南六十里

金陵鎮縣南六十里本陶吳鋪景德二年改為鎮
秣陵鎮縣東南五十里元設巡司及稅務明置秣
陵關今仍為鎮有巡司

新橋市縣西南即古魚市今新橋十字街口即其地也

三山街市江寧縣北

東口市縣南聚寶門外長十里

西口市長干橋南今西街口

小口市聚寶門外來賓橋西一名小市口世說張闔家小市

江東市縣西江東門外商販雲集

新林市縣西南二十里近新林浦

杜橋市縣南四十里板橋市縣西南三十里

路口市縣南七十里銅井市縣西南八十里

朱門市縣南九十里

右江寧縣

白土鎮句容縣東四十五里為句容丹陽之中路
元置稅務明設白埠公館今稅務廢而鎮常為往
來駐宿處

常寧鎮縣東南四十里宋天禧初置常寧寨亦以此名縣舊有巡司及稅務局今裁

東陽鎮縣西北六十里宋置東陽砦巡司後裁

下蜀鎮縣北六十里東去鎮江府界十五里唐置

鹽鐵轉運使在揚州宋發運使在真州皆於江南

岸置倉轉搬今下蜀鎮北有倉城基并鹽倉遺址

尚存

河口鎮縣北七十里舊名斜溝

龍潭鎮縣西北八十里逼臨大江地有龍潭因名
明初置巡司兼設水馬驛建文四年燕王渡江次
龍潭是也今裁巡司以驛丞兼攝司事

右句容縣

官塘鎮溧水縣東二十五里道出溧陽

蒲塘鎮縣南二十五里 孔家鎮縣南四十五里

蒲千鎮縣東北十五里間道出句容

楊塘市縣東四十五里道出溧陽

洪藍市縣南十五里亦名洪藍埠有河道北通秦淮南達石湖百貨聚集為商賈貿易之所新糧倉在焉

邵村市縣南六十里接建平縣界明嘉靖間設河泊所於此萬歷年革 烏山市縣北三十里

柘塘市縣北四十五里與烏山俱為趨省孔道

右溧水縣

廣通鎮高淳縣東五十里接溧陽界即古東壩地

明洪武中置鎮有巡司

固城鎮縣南三十里春秋吳固城卽此

水陽鎮縣西南三十里臨水陽河河之南與宣城
接界

漆橋市縣東北三十里戴家城市縣東三十里

東壩市縣東五十里南唐市縣南十里

蘆溪市縣西十里

右高淳縣

浦子口市在江浦縣東二十里

石磧鎮縣西南三十五里

高望鎮縣西南二十里晉太康初伐吳王渾使李純屯高望城是也

香泉鎮縣西北三十里南去湯泉五里即故湯泉鎮也又有湯泉寨在湯泉元末居人築以禦寇東葛城鎮縣西北三十五里明初置館驛於此西葛城鎮縣西北四十五里接滁州界

汭河集縣北三十里濱滁河

小店縣西北二十里又西北五里有高麗店

茅塘市縣西北三十里茅塘橋

右江浦縣

瓜步鎮六合縣東南二十五里瓜步山下

長蘆鎮縣南二十五里舊為戍守處宋時置鎮設

沿江巡官監稅渡於此

宣化鎮縣南宣化山之陽為建康往來津渡之要

宋紹興十一年張浚救濠州為金所敗馳入宣化
吳表臣言大江下流最急者有建康之宣化是也
竹鎮縣西北三十三里宋設巡司及稅務於此本
名竹墩以宋廟諱更名竹鎮

皇厰河集縣南五十里外江內河集中之最繁衍
者

雷官集縣西南五十里通滁州大道

程家橋集縣西二十里地通大河亦繁盛

施官集縣西北五十里 裴家集縣西北五十里

馬家集縣北五十里

右六合縣

蘇州府

許墅關府西北二十七里百貨到此完稅有監收公署
楓關閭門西七里為南北衝要地介吳長二縣各省
商米豆麥屯聚於此

駟馬關崑山縣小西門外

界涇關常熟縣西南五十里

胥關渡府胥門外

九里河渡胥口東南之九里其河南抵東洞庭武

山趾

管家浜渡楓關西北

陸市鋪渡元和縣唯亭東

車塘渡青洋江

紅廟渡青洋江

三江渡

張家渡

新渡

明月渡

浦缺渡

沙蘿渡

以上六渡俱在吳淞江南接青浦崑山縣界

白茆塘渡在昭文縣渡沿海舊建白茆塘橋備巡海兵馬經行橋深闊易圯康熙三十四年改設官渡又有徐六涇渡亦然

飲馬橋府治東宋淳祐中知府魏庠建

織里橋府治西本吳王織里俗訛為吉利

樂橋吳縣東吳赤烏二年建

石巖橋織里橋西唐刺史白居易建名白頭橋有
石刻字元總管道童重建改今名石巖蓋其自號
也

憇橋城內西南吳軍憇息於此因名

來遠橋胥門內舊姑蘇驛置此宋紹興間王喚奏
建專待屬國信使故名又名驛橋

臯橋閶門內漢議郎臯伯通居其側梁鴻所寓也

至德廟橋城內西北泰伯廟前

都亭橋承天寺西吳王壽夢嘗於此作都亭驛以
招賢士

虹橋閶門外跨運河即釣橋也又吳縣學南有虹
橋

新橋盤門外亦名興隆橋自盤門出趨諸鄉每過
運河須舟以濟又當兩派交流之間頗為深廣有
石氏請出錢造橋橫絕漫流分為三橋往來便之

渡僧橋閭門外孫吳時建宋咸淳間重建

五龍橋盤門外七里跨運河

楓橋即楓闕舊本名封橋因張繼詩相承作楓

普福橋城外俗名橫塘橋

越成橋胥門外跨越來溪舊名越來溪橋

行春橋橫山東茶磨嶼下跨石湖通越成橋橋甚

長跨溪湖之口名小長橋歲久圯缺淳熙十六年

重修疊石為梁凡十有八洞

虎山橋縣西南光福鎮元泰定中更名泰定橋

具區風月橋洞庭東山跨莫釐武峰之間東西相接中貫太湖舊有石梁後圯明成化九年重建凡長十六丈高二丈九尺東西為石堤延袤又各四十丈

右吳縣

百口橋長洲縣治東東漢顧訓五世同居聚族百口故因其所居名橋訓歲朝聚子孫悉坐依次行

酒三歲以下並知位次故又名試飲橋

乘魚橋在交讓瀆

夏侯橋城內東南相傳為夏侯司空建或云橋邊有夏侯廟因名

顧家橋縣治東北顧悌仕吳為虎頭將軍父亡五日絕粒而死郡人為之造橋

臨頓橋縣治東北唐陸龜蒙嘗居其旁臨頓亦吳

時館名

半塘橋自閭門至虎邱有七里山塘此橋適得其
半故名

普濟橋半塘橋西因南岸接普濟堂故名

來鳳橋閭門外跨運河 新橋許墅閬北跨運河
普思橋南新橋西跨運河一名北新橋

右長洲縣

花橋元和縣東北

苑橋縣東北舊傳有吳王苑囿於此

烏鵲橋縣治西南舊傳古有烏鵲館橋以館得名
蠡口橋縣北蠡口跨元和塘

官瀆橋跨至和塘元至正二年建

安里橋葑門外

接渡橋俗名覓渡橋赤門灣舊以舟渡行旅苦之
元大德間有僧自崑山來為渡所阻發念募建因
名

寶帶橋縣東南十五里跨澹臺湖當江浙往來之

衝南北長百二十丈洞其下可通舟楫者五十有三高其中之三以通巨艦唐王仲舒建鬻所束寶帶助費故名正統十一年巡撫周忱重修

尹山橋寶帶橋之南跨運河

夾浦橋橋東即屬吳江縣宋紹興初建水勢迅疾明宣德中橋圯正統間巡撫周忱創造浮橋嘉靖間重建石橋又圯萬厯中重建

右元和縣

富春橋崑山縣治東北跨至和塘俗名高板橋
半山橋縣治西北跨至和塘崑邑之勝在馬鞍山
自縣治至山橋當路之半故名

戊己橋城內婁豐坊

玉虹橋縣東門外跨婁江梁大通中建

祝思渡橋縣東南十里跨新洋江

淞南第一橋在千墩浦明永樂年建

右崑山縣

吳家橋新陽縣千墩鎮南其地有澱山河北通吳
淞江商賈所聚相傳賣漿吳翁始建木橋明萬曆
七年里人沈松源改建

狀元橋宋祥符元年衛涇建

右新陽縣

文學橋常熟縣城內子游巷口又名醋庫橋宋時
官造醋取息故有醋庫

顯星橋縣城內舊傳星墮為石大數十圍在橋之

東故名旁有港曰落星港

慶仙橋縣西南舊傳為徐神翁升仙之地

學士橋縣治直南舊名信義橋又名琴川縣治前
後橫港七派如琴絃皆發源虞山東注運河橋跨
第一港明弘治中學士李傑建坊於此更今名
五瞿橋縣東南五里阜安門外

殿橋縣西門外跨山塘 福山大橋縣北福山鎮
支塘橋縣東支塘市跨白茆港順治中建

右常熟縣

香花橋昭文縣慧日寺塔前

通濟橋城內俗名坊橋以其接福山通大江故名
魚家橋魚侃居此

通海橋梅李鎮自許浦過梅李潮汐迅急舟行險
地也

御渡橋賓陽門外以宋高祖過此得名

賀勝橋賓陽門外宋紹興間左軍李寶獻捷於此

橫塘橋縣東南

許浦橋在許浦港

右昭文縣

仙里橋吳江縣東門內相傳陳昉於此仙去

垂虹橋本名利往橋橋上有亭曰垂虹故名前臨具區橫絕松陵湖光海氣蕩漾一色三吳之絕景

也蘇舜卿有長橋對月詩附宋錢公輔垂虹橋記

出姑蘇城南五十里民居數百攘攘沙渚之上者吳江縣也東湖之流貫城之中隔限南北橫可以渡者吳淞江也隱然長虹截湖跨江來往安若複道者初作利往橋也橋本無有慶歷七年冬大理

寺丞知縣事李問縣尉王廷堅嗟邑民之陋鮮慕
學者將改立至聖文宣王廟呼富民曉以助役民
雖然從命遂輸錢數百萬未幾詔禁郡縣不得
新立學二人謀曰民既從財既輸矣倘不能作一
利事以便人吾何以謝百姓遂合傭僦工橋役興
焉東西千餘尺市木萬計不兩月大就即橋之心
侈而廣之構亭其上登以四望萬景在目曰垂虹
亭初縣城為江流所判民半居其東半居其西晨
往暮歸事無纖巨必舟而後可故居者為不利縣
當驛道川奔陸走者肩摩檣接也卒然風波之險
則左江右湖漂泊無所故行者為不便及橋之成
行者便居者利賢人君子措一意興一役豈直為
遊觀之美登賞之樂哉雖然湖光萬頃與天接白
洞庭薦碧雲烟占青月秋風夏蠶滅埃斷牛謳漁
吟暗鳴間發榜聲擢歌嘔啞互引
後盼前睨千里一素是亦足樂焉

安邑橋南闕外俗名跨塘橋

萬頃橋縣東石塘宋劉嘉謨有詩

甘泉橋縣東境一名第四橋以泉品居第四也

白龍橋縣南十二里跨白龍港

安德橋平望鎮唐顏真卿有詩

浮玉洲橋黎涇鋪東

七里橋縣北塘俗名萬家橋

右吳江縣

大浦橋震澤縣南二十里八斥俗名八斥橋嘉靖
二十七年建

底定橋震澤鎮宋淳祐二年建

達觀橋在梅堰明嘉靖三十四年建

右震澤縣

橫塘鎮吳縣西南十三里有橫塘橋上有亭顏曰
橫塘古渡

木瀆鎮縣西南三十里有巡司

光福鎮縣西五十里

社下鎮縣西一百十里

右吳縣

唐浦鎮長洲縣東二十二里有土壩為吳淞江南
要道明正德二年設巡司今裁

周莊鎮縣東南四十里接吳江縣界

陸墓鎮縣北八里以有唐陸宣公墓故名

金墅鎮縣西北四十里 五墓市縣東北二十里

尹山市縣東南二十里 黃埭市縣北四十里

右長洲縣

角直鎮元和縣東北四十里接崑山界舊名甫里
陳墓鎮縣東南五十五里宋光宗陳妃葬此因名
有巡司東北接崑山界

唯亭鎮縣東三十五里西去三里為小唯亭

蠡口鎮縣北十八里又謂之蠡塘范蠡扁舟浮五
湖經此

右元和縣

石浦鎮崑山縣東南四十里南通澱山湖北枕吳淞江宋置巡司元因之明景泰二年移巡司於千墩浦口

千墩鎮縣東南四十里南接青浦縣界有石浦巡司

安亭鎮縣東四十五里東接嘉定縣界舊有稅課局

半山橋市縣治西北

吳家橋市縣東南三十九里

右崑山縣

蓬閭鎮新陽縣東南三十里初名牌落弘治中知縣楊子器改今名

右新陽縣

田莊鎮常熟縣北少西三十六里有橋跨奚浦塘居民千家明末始盛今黃泗浦巡司寄居於此

唐市鎮縣東南三十里以居民唐氏所創聚因名

南六里有斜堰即崑山縣界

福山鎮縣北四十里唐天祐初吳越築城戍守曰金鳳城宋淳祐九年置忠節水軍寨於此明初修築舊城設巡司兼置福山把總

國朝改設叅將遊擊等領之分防鹿苑支塘徐六涇等處

練塘市縣西南三十六里

右常熟縣

梅李鎮昭文縣三十里外吳越錢氏遣將梅世忠
李開山戍此防江故名宋元豐間始為鎮

支塘鎮去縣四十五里因白茆塘支流故名張士
誠嘗築城於此明初撤其磚甃修治太倉衛今遺
址尚存

老徐市去縣五十里跨李墓塘為鎮

董家浜新市去縣四十五里市故有城今圯

李市白茆塘迤南數里傍東山涇又名山涇浦

右昭文縣

同里鎮吳江縣東十里有巡司舊名富士

汾湖鎮縣東南二十五里有巡司

盛澤鎮縣南六十里 黎里鎮縣東南二十里

右吳江縣

平望鎮震澤縣東南四十里有巡司唐置平望驛

張祐有詩

梅堰鎮縣南五十里

震澤鎮縣西南六十五里濱湖有巡司

右震澤縣

松江府

海關在上海縣康熙二十四年設立即舊北察院
行臺為公署於六十年歸併蘇撫協理今專委蘇
松巡道監督

馮家渡華亭縣南黃浦

葉謝渡縣南葉謝港

烏泥涇渡鶴涇南界華亭上海

彭家渡 右華亭縣

橫涇渡 右奉賢縣

米市塘渡婁縣南黃浦萬厯中里人張元輔立義
渡置田四十畝贍用

吉陽匯渡縣西南九里 右婁縣

橫潦涇渡 斜塘渡 右金山縣

永濟渡上海縣治東關外 蟹淩渡縣東南

減水河渡吳淞江巡司前 肇家浜渡縣治東

吳淞江頭壩義渡 右上海縣

閘港口渡南匯縣

周浦塘渡

蒲達涇渡

閔行渡

右南匯縣

東震橋華亭縣治東本名虹橋宋政和中縣令姚
舜明作亭其上改今名

玉帶橋縣南跨玉帶河 里仁橋縣城內行用庫
前

通波橋縣北跨通波塘 盤龍塘橋跨塘東西

咸通橋城東跨南俞塘口

集賢橋縣北跨集賢涇元至正中建

濟眾橋在葉謝鎮

華陽橋縣東九里

右華亭縣

南橋奉賢縣跨橫瀝溪鎮以是名

新塘橋一名通津在南橋鎮

下橫涇橋華奉交界處 望湖涇橋永樂中建

金匯橋洪武十三年建 百曲港橋永樂中建

拱際橋元至正中建

右奉賢縣

望仙橋婁縣千戶所西

雲間第一橋縣西南八里跨古浦塘上宋建初名
跨塘明成化間知府王衡重建易今名

瑁湖橋縣西超果寺東 谷陽橋縣西洪武中建
秀野橋縣西五里跨沈涇塘

崑秀橋在縣西

秀南橋蔣涇西與秀野相望沈涇塘由此入秀野
秀塘橋縣西五里

采花涇橋縣西北跨采花涇

米市塘橋俗呼小張涇元至正中建

張涇橋米市塘西元至正中建

西倉橋縣西九里明徐階建橋左右闌闌雲連商

賈駢集為谷陽門外第一殷繁之地

石湖橋縣西石湖塘明洪武初建其上有憇息亭

右婁縣

洙涇萬安橋在金山縣西南三十五里

諸流涇橋金山縣近北錢村

錦里橋禮塔南南錢村 通濟橋跨大泖

太平橋

右金山縣

望雲橋上海縣治東俗呼虹橋

學士橋黃浦口明尚書陸深建制極壯麗

鷺竇湖橋跨新涇浦上 百步橋跨百步塘上

吳淞江橋縣北一名關橋跨江上明成化間屢修

治

清河橋烏泥涇又名長橋

右上海縣

蟠龍橋南匯縣市心盤門口跨護塘港

瑞安橋市心跨周浦塘俗呼時安橋

李將軍橋在周浦鎮相傳袁崧部將李松居此故

名

啓秀橋周浦鎮東南為北諸竈水會流處

大浦亭橋跨大浦涇

張勝橋周浦東跨港向係木橋雍正五年里人丁

允中倡建石梁

衆安橋鶴砂鎮東跨鹹塘元至正年建

飛雲橋跨鶴砂浦

虹橋縣北蔡鎮市中心官路港口

右南匯縣

棣華橋青浦縣東門內跨橫泖

鳳凰橋縣東南跨顧會浦 麟趾橋縣西朱家角

鎮

慶安橋通波塘上即酒坊橋

永安橋俗呼柘澤橋順治中重建

廣利橋即南亭橋在廟涇上

右青浦縣

海門橋福泉縣城北邵嗣原有登海門詩

梁武塘橋淮浦上相傳梁武帝曾經此

廣濟橋在通波塘即中亭橋

阜通橋金涇上一名通澤

錦溪橋縣東南鳳凰山東

祥澤橋縣東南一名塘橋元至正中建東北通上

海嘉定西北通青浦崑山最為要道

萬柳橋縣東北青龍鎮東萬柳堤上

右福泉縣

亭林鎮華亭縣東南三十六里原名顧亭林梁顧野王故居在焉今寶雲寺是也宋置金山巡司於此元因之明廢今為商旅輳集之所

葉謝鎮縣東南二十里以二姓居此得名民居稠密商賈輻輳舊有稅課局今裁

莘莊鎮一名莘溪北隣七寶南近烏泥涇民居多偶族

右華亭縣

南橋鎮奉賢縣西三十四里有南橋巡司

青村港鎮縣西十里一名青林洪武中築城以禦
海寇

陶宅鎮縣西北十八里明初著姓陶氏之宅故名
袁凱有大醉陶與權宅詩後倭亂據此徐渭有陶
宅戰歸序

莊家行鎮瑁湖涇東南居民繁衍耕讀相半有莊

姓聚族於此故名

右奉賢縣

風涇鎮婁縣西南五十四里南接嘉興縣界古於
此置風涇驛貝瓊清江集云風涇多荷花周迴三
里橋梁凡九彷彿錢塘西湖之勝明瞿佑有過風
涇詩

北七寶鎮左為橫瀝溪前臨蒲匯塘商賈必由之
地舊有南北二寺皆稱七寶此居其北士民繁庶

為邑巨鎮

小蒸鎮縣西南四十五里其西十里有漢濮陽王墓甚高大不生螻蟻相傳築墓時蒸土為之因名大蒸有小墓亦然名小蒸地挹九峰三泖之勝元時曹氏園亭最著今花石猶有存者有巡司

泗涇鎮一名泗濱因泗涇塘故名民居稠密商賈聚集有小武當香火頗盛

右婁縣

朱涇鎮金山縣西南三十六里一稱珠溪宋置大
盈務元置朱涇巡司洪武初置稅課局在縣西南
楊巷市六年徙治於此

呂巷鎮縣西南三十五里元時呂良佐創應奎文
會招來儒彥故名一名璜溪市與朱涇鎮楊巷市
鱗次參錯而楊巷少僻云

張堰鎮縣南五十里一名張涇堰自府至金山孔
道宋時置堰以捍柘湖入海之水明置稅課局今

裁

興塔鎮去泖橋十里舊有興塔院故名諺云興塔
無塔即其地也

右金山縣

吳會鎮上海縣西南五十四里本名吳匪以指吳
會於雲間語易今名元時置鄒城巡司於此

烏泥涇鎮縣西南二十五里接華亭界嘗有田父
得古碑地名賓賢里元置巡司及太平倉蘆子稅

課局於此明洪武六年仍置稅課局今裁

八團鎮縣東南五十四里民多以鹽為業商賈輻
輳市有三場鹽司今為川沙堡

閔行鎮縣西南橫瀝塘東濱大浦乃南匯陶宅由
浦入府之通衢明正德中大水歲歉橫瀝沙竹二
岡田獨稔災鄉多從貿易鎮始知名

梅源市縣西北三十六里地名王菴明提學副使
王圻藝梅千株著書其中今其地方幅十餘里土

人俱植梅花開時香聞數里

右上海縣

周浦鎮南匯縣東南三十六里一名杜浦民物繁
阜元置杜浦巡司又移下沙鹽場於此鹽場遷巡
司亦革

下砂鎮縣東南六十里宋丞相吳潛侍父讀書處
一名鶴砂相傳有胎禽自海外飛至方頂綠足龜
文故名本從水以多水患改作砂鎮多巧工精刺

繡稱下砂繡

新場鎮距下砂九里一名南下砂又名石筍里明
正統二年遷鹽場於此故又有今名場賦為兩浙
最北橋稅司杜浦巡司亦嘗從此嘉靖間倭寇初
平里人呈請建城立縣後改築於川砂堡向有分
司公署今廢

右南匯縣

金澤鎮青浦縣西南三十五里地接泖河穡人護

澤如金因名鎮當江浙之交元設澱山巡司明移
治安莊在鎮之西以防鹽盜出沒今因之

朱家角鎮縣西十里商賈雲集貿販甲於他鎮

廣富林市縣東南三十二里為入郡孔道南接婁
縣界

右青浦縣

趙屯鎮福泉縣西北二十七里趙屯浦上以宋高
宗南渡屯兵於此因名又名漢城里舊有巡司今

裁

盤龍鎮地瀕淞江盤龍匯即宋葉清臣疏渠洩水

處

黃渡鎮臨吳江北岸即屬嘉定呼為新街貿易頗

盛

崧宅市明成弘隆萬間市廛日闢商販交通

右福泉縣

常州府

無闕

戴圻渡在府治內

雙河渡

白龍橋渡 右無錫

黃埠墩渡

華氏義莊渡

石幢渡

聖瀆口渡 右金匱

竹門渡宜興縣西北三里

狀溪渡縣東南十五里 右宜興

龍溪渡荆溪縣南五十里

珠潭渡縣西南七十里 右荆溪

譚公渡蘇家港口知縣譚桂設因名

右靖江

永安橋俗名府橋在郡治前跨惠民河宋嘉定中
建明萬厯中重建

狀元橋郡學西南跨惠民河宋崇寧中建狀元霍
端友也

甘棠橋府治南舊名金斗宋紹興初建

肅華橋府治東南跨後河唐延載元年建明正統

間修

仁育橋晉永嘉三年建

玉帶橋察院東明萬歷初開玉帶河建

廣濟橋縣治西跨運河俗名倉橋明正統十二年
巡撫周忱始構以木名西新橋成化十七年伐石
重建改今名

天禧橋俗名驛橋跨舊運河唐長壽二年建宋天
禧年修故名

連江橋縣西十八里跨得勝新河通運河處一名
新河橋

五牧橋縣東南四十五里接無錫界唐末吳越錢
鏐遣兵自江陰與楊行密戰於五牧宋末元兵至
常州文天祥遣其將尹玉麻士龍等赴援士龍戰
虞橋玉戰五牧即此

卜戈橋縣南跨白鶴溪元至正中建

黃土岸橋縣西南八十里西蠡河支流西出處其

地南通溧陽西接金壇元天歷二年建

右武進縣

虹霓橋陽湖縣東跨北邦溝俗名滕公橋唐至德
初建

榮橋縣治東一名羅漢橋唐開元中建

新坊橋縣治東南晉陵武進舊於此分界梁大同
元年建跨舊運河元皇慶間重建明弘治十一年
重修

元豐橋縣治東舊名飛鳳一名殷橋唐如意元年
建宋元豐初重建故名

橫林橋縣東南三十里跨運河元至正中建明正
德中重建

戚墅堰橋縣東三十里三山港口明成化中建
惠政橋俗名十五洞橋跨白魚港通南運河弘治
九年建

右陽湖縣

大市橋舊名利津其水通無錫縣治前隋大業八年始建木橋宋嘉定中易石元至元中重建

中市橋跨弦河

南市橋跨弦河

駐驄橋縣治後御史葛桓建故名

梁溪橋城西俗呼西門橋隋大業中置石梁下分

三洞明嘉靖中燬於倭後易以巨木水勢最急

洛社橋縣西北三十里跨運河唐麟德中建

香花橋在楊尖常熟分界處

西定橋縣城西南一里跨梁涇明嘉靖中建下為

五洞舊有亭以便登覽據一邑湖山之勝今圯

中橋跨馬蠡港元泰定中建

斗門橋跨運河通江陰縣

陽春橋縣南城外即跨塘橋明洪武初建

清寧橋跨塘橋南明萬厯中建

國朝康熙八年重建

望亭橋一名通吳橋蘇州分界

鳳光橋跨箭河唐武德三年建

右無錫縣

承賢橋金匱縣稅務局南跨第三箭河明萬厯間
建高攀龍有記

馬鎮大橋跨江陰界河

亭子橋縣東南二里一名熙春橋跨運河

蓮蓉橋縣北俗名大橋唐貞觀中建明正統中改
建

高橋明正統中巡撫周忱建弘治中重修

石埭橋跨九里河通常熟 盧其橋跨琅琊瀆

右金匱縣

文亨橋江陰縣治東跨黃田港明弘治中建

堰橋縣治東跨橫河

善教橋縣南舊名驛橋一名善政橋宋建跨黃田
港

北新橋縣東四十五里相接者曰南新橋俱跨蔡

港

言橋子游裔孫寓此因名

蘇墅橋蘇軾別業因名

慈雲橋縣東南一名新橋入長河第一橋明萬厯
中建

廣濟橋縣東南舊名東板橋跨長河明嘉靖初建
夏港橋縣西十里夏港鎮宋紹定中建長三十五
丈江湖衝突歲久崩壞明永樂初重建

右江陰縣

長橋宜興縣治正南二十步高二丈七尺長二十
五步即周處斬蛟之所 通利橋縣治跨西水關
陳塘橋縣西二十七里 高橋北門外

福德橋西門外跨運河明洪武初建嘉靖四十年
重修

葛墟橋縣北三十里跨運河

湛瀆橋縣北十五里跨湛瀆元至元間建

歸美橋縣東北跨運河宋寶慶間建元大德間重

建改名斜橋

右宜興縣

廣濟橋荆溪縣治東南跨東水關舊以木為之明
正統間易以石

渡濟橋橋西溧陽橋東荆溪

流杯橋縣南六里

宋方橋縣東南五十里元至正間建

杜橋大東門外一名土橋俗呼蝦蟇橋相傳為杜

牧之水榭故名杜橋

文定橋在徐舍跨運河

張渚大橋縣西南六十里明嘉靖四十三年建

國朝順治七年重建

玉帶橋縣西南六十里

篠里大橋慈湖溪七十二澗合流處

右荆溪縣

平政橋靖江縣治南

龍驤橋縣治東跨市河

鳳鳴橋縣治西

平惠橋南門外跨城濠

豐樂橋東門外跨城濠

西水橋西門外跨城濠

殷仁橋北門外跨城濠

劍池橋縣南官路達江至此為半相傳張士誠將
朱定徐泰走馬畫溝處

陽復橋北門外七里 永興橋太平團蔡家港

右靖江縣

魏村鎮武進縣西北五十里宋淳熙中置魏村水
寨明季嘗添設防禦百戶所於此

阜通鎮縣西北九十里舊名萬歲鎮宋嘗分置稅

務局於此

新橋鎮縣西北九十里

奔牛鎮縣西三十里亦名奔牛塘相傳古有金牛
奔此故名前明置巡司又設遞運所於此今遞運
所奉裁巡司如舊

青城鎮縣西北六十里唐大順初泰州賊孫儒遣
其黨劉建鋒據常州楊行密遣李友屯青城拒之
即此

右武進縣

橫林鎮陽湖縣東南三十五里又東南五十里至
無錫縣為運道通渠 石堰鎮縣東北三十里

右陽湖縣

前馬鎮無錫縣北四十六里

玉祁鎮縣西北四十里

潘葑鎮縣西北十八里朱梁乾化三年吳越攻常州營於潘葑即此為往來孔道

洛社鎮縣西北四十里

望亭鎮縣東南四十五里接吳縣界舊有御亭吳大帝所立隋開皇九年置為驛唐常州刺史李襲譽改曰望亭驛鎮西有石壘城東西六十步高七尺晉咸和三年顧颺拒蘇峻時所築也明置巡司今因之

右無錫縣

甘露鎮金匱縣東六十里唐大順三年甘露鎮俠

陳可言據常州即此元置巡司明革

版村鎮縣東五十里 顧莊鎮縣東北十里

蕩口鎮縣東五十五里民居稠密有城華氏所築
牛塘市縣東五十里

右金匱縣

楊舍鎮江陰縣東七十五里商旅輳集宋設官兵
守衛為沿江衝要明嘉靖間倭亂築城以叅將領
之與常熟之福山通州之狼山相為應援

國朝改設水師守備

華墅鎮縣東四十里相近又有長壽鎮俱為市易之地

青陽鎮縣南四十里運河所經

夏港鎮縣西十五里帆檣相屬綿亘數里蓋上游之入閩越者必經泊焉明天順中移利港巡司於此今裁

蔡涇鎮縣西南十里

長涇市縣東六十里與無錫接界民居繁庶由此
出常熟亦為通道

右江陰縣

河橋市在宜興縣治

下邳鎮市縣東北三十五里有巡司

右宜興縣

湖汊鎮荆溪縣東南三十五里有巡司

張渚鎮縣西南六十里宋鎮也元設茶園提領所

二處以掌茶稅明初改設批驗茶引所又置張渚巡司嘉靖中以批驗茶引所併入巡司今因之

篠里市縣西南七十里

蜀山市縣東南三十五里

右荆溪縣

東阜鎮靖江縣東三十里舊名斜橋市商民萃處分兵防守

生祠堂鎮縣西十七里北連泰興南通大江商旅

往來舟楫交通處也

新豐市鎮縣西三十五里

西寧鎮縣西四十五里舊名鎮海市距泰興新市
五里民居稠密百貨駢集為邑巨鎮

右靖江縣



江南通志卷二十五